

“КЕЛИШИЛДИ”

«ТАСДИҚЛАЙМАН»

ТТА ходимлар касаба уюшмаси
раиси



Ф.Х.Муратов

Тошкент тиббиёт академиясининг
ректору



А.К.Шадманов

**Тошкент тиббиёт академияси
“Фуқаро ва меҳнат муҳофазаси” бўлимининг
НИЗОМИ**

I. Умумий қоидалар

- 1.1 Ушбу Низом Тошкент тиббиёт академияси микёсида меҳнатни муҳофаза қилиш бўйича ишларни ташкиллаштиришнинг тартибини белгиловчи меъёрий ҳужжат ҳисобланади.
- 1.2 Меҳнатни муҳофаза қилиш – Ўзбекистон Республикаси меҳнат кодекси, меҳнатни муҳофаза қилиш қонуни ва бошқа меъёрий ҳужжатлар асосида, ишлаб чиқариш, таълим бериш, хизмат вазифаларини бажариш жараёнларида инсонларнинг ҳаёт фаолияти хавфсизлигини таъминлашга қаратилган ижтимоий-иқтисодий, ташкилий, техникавий, санитария-гигиена ва даволаш-профилактика тадбирлари ҳамда воситалари тизимидан иборат мажмуа ҳисобланади.
- 1.3 Мазкур низомга бўлимдаги ишчи ходимлар амал қилишлари зарур. Бўлим микёсида меҳнатни муҳофаза қилиш – меҳнатни муҳофаза қилиш тўғрисидаги қонун ҳужжатларига тўғри риоя этиш, меҳнатнинг давлат ва тармоқ стандартлари ҳамда тизим хавфсизлигини таъминлаш, меҳнатни муҳофаза қилиш қоида ҳамда меъёрларини ўқитиб бориш орқали амалга оширилади.
- 1.4 Бўлимда ишчи ва ходимларнинг меҳнат муҳофазаси масалалари бўйича ўқув машғулотларини ўтказиш, соғлом ва хавфсиз меҳнат шароитини яратиш – меҳнат жамоалари ва касаба уюшмаси қўмитаси билан келишилган ҳолда яратилади ҳамда таъминланади.

- II. “Фуқаро ва меҳнат муҳофазаси” бўлимининг ТТА микёсида меҳнат муҳофазаси бўйича ишларни ташкил этиши.**

- 2.1 ТТАда меҳнатни муҳофаза қилиш масалалари бўйича амалий фаолиятни такомиллаштиришга қаратилган услубий ва ташвиқот ишларини ўтказиш мақсадида Фуқаро ва меҳнатни муҳофаза қилиш бўлими тузилган.
- 2.2 “Фуқаро ва меҳнат муҳофазаси” бўлими ТТА миқёсида соғлом ва хавфсиз ўқув жараёнларини ва иш шароитларини яратиш бўйича раҳбариятга таклифлар беради. Ўқув машғулотларни ўтказиш бўйича раҳбарлик қилади ҳамда меҳнатни муҳофаза қилиш бўйича қоида ва меъёрларнинг бажарилишини назорат қилади ва бошқаради.
- 2.3 “Фуқаро ва меҳнат муҳофазаси” бўлими ТТАда меҳнатни муҳофаза қилиш масалалари бўйича ташкилий, бошқарув, режалаштириш ва мувофиқлаштириш ишларини амалга оширади.
- 2.4 “Фуқаро ва меҳнат муҳофазаси” бўлими ТТАда меҳнатнинг соғлом ва хавфсиз шароитларини яратиш, меҳнатни муҳофаза қилиш ва техника хавфсизлиги бўйича ўқув машғулотларини ўқув-услубий бўлим билан биргаликда ўтказишни назорат қилади. Техник бўлимлардаги ва ўқув жараёни билан боғлиқ шикастланиш, касбий касалликларнинг олдини олишга қаратилган фан ва техниканинг янги ютуқларини, илғор тажрибаларни қўллаган ҳолда “Фуқаро ва меҳнат муҳофазаси” таълим дастурини жорий этади, ўқитиш жараёнида услубий ва техник воситаларини қўллайди.
- 2.5 “Фуқаро ва меҳнат муҳофазаси” бўлими амалдаги меҳнатни муҳофаза қилиш қонуни асосида, меҳнатни тўғри ташкил қилиш бўйича қоида ва меъёрий ҳужжатларни ТТА миқёсида тўғри қўлланишида иштирок этади.
- 2.6 ТТА нинг “Фуқаро ва меҳнат муҳофазаси” бўлими Меҳнат ва аҳолини ижтимоий ҳимоя қилиш вазирлиги, Олий ва ўрта махсус таълим вазирлигининг қарорлари, буйруқлари ва кўрсатмалари асосида ТТАда меҳнатни муҳофаза қилишга оид меъёрий ҳужжатларни ишлаб чиқади ва ТТА касаба уюшмаси қўмитаси билан келишилган ҳолда Ўзбекистон Республикаси Олий ва ўрта махсус таълим вазирлигига тақдим этади.
- 2.7 ТТАнинг “Фуқаро ва меҳнат муҳофазаси” бўлими амалдаги қонунларни бажара бориб, улар асосида меҳнатни муҳофаза қилиш масалалари бўйича буйруқ ва йўриқномалар ишлаб чиқади, факультет ва бўлимлар учун бажарилиши шарт бўлган ишларга амалий ёрдам кўрсатиб, уларнинг ижросини назорат қилади.
- 2.8 ТТАнинг “Фуқаро ва меҳнат муҳофазаси” бўлими маъмурият ва касаба уюшмаси билан келишган ҳолда, талаба ёшлари ҳамда профессор-ўқитувчиларни ижтимоий иқтисодий жиҳатдан муҳофаза этиш борасида ТТА миқёсида ривожланиш масалаларини аниқ ҳисобга олиб, ҳар йили асосий йўналишлар битими ва жамоа шартномаларини тузишда қатнашади.
- 2.9 “Фуқаро ва меҳнат муҳофазаси” бўлими меҳнатни муҳофаза қилиш бўйича жамоа шартномалари ва битимларига киритилган талабларни бевосита ТТА миқёсида бажарилишини назорат қилади..
- 2.10 “Фуқаро ва меҳнат муҳофазаси” бўлими ТТАда меҳнатнинг тиббий-техникавий шароитларини паспортлаштиришни ўз вақтида ўтказиш учун

- зарур чораларни кўради ва меҳнатни муҳофаза қилиш бўйича амалдаги қоида ҳамда меъёрларга мувофиқ ўтказилишини назорат қилиб боради.
- 2.11 ТТАнинг “Фуқаро ва меҳнат муҳофазаси” бўлими намунавий тизим меъёрларига асосан, ишчи ва хизматчиларга бепул махсус уст-бош, оёқ кийим ва бошқа шахсий муҳофаза воситаси берилиши тартибини ишлаб чиқади, бу меъёрларга Тошкент шаҳар Меҳнат ва аҳолини муҳофаза қилиш бошқармаси ҳамда қасаба уюшмаси билан келишилган ҳолда ўзгартириш ва қўшимчалар киритади.
- 2.12 “Фуқаро ва меҳнат муҳофазаси” бўлими ишчи ходимларни меҳнатни муҳофаза қилиш тўғрисидаги билим савиясини текшириш ва текширув натижаларини расмийлаштириш тартибини белгилайди. Марказий малакавий комиссия таркибини ректор тасдиқлайди.
- 2.13 “Фуқаро ва меҳнат муҳофазаси” бўлими меҳнатни муҳофаза қилиш соҳасида ишчи ва муҳандис-техник ходимлар малакасини оширишнинг ташкилий ва услубий тизимига раҳбарликни амалга оширади.
- 2.14 “Фуқаро ва меҳнат муҳофазаси” бўлими ТТА миқёсида бахтсиз ҳодисаларнинг тўғри ва ўз вақтида текширилиши ҳамда ҳисоби назоратини амалга оширади.

“Фуқаро ва меҳнат муҳофазаси”
бўлими бошлиғи



Н.Р.Джураева